

ГУЛОБОД ТОНГИ



Ким билан бамаслаҳат иш тутишимиз керак – аввало, халқимиз билан. Шунда халқимиз биздан рози бўлади. Халқ рози бўлса, ишимизда унум ва барака бўлади.
Шавкат МИРЗИЁЕВ

Газета 1957 йил ноябрь ойидан "Самарқанд ҳақиқати", 1962 йил августидан "Шарқ тонги", 2004 йил май ойидан "Гулобод тонги" номи билан чиқа бошлаган.

2017 йил 6 январь, ЖУМА № 1 (8818) Баҳоси эркин нарҳда ISSN - 2010-6777

2017 йил - Халқ билан мулоқот ва инсон манфаатлари йили

ТУМАН КЕНГАШИНИНГ СЕССИЯСИ

2016 йил 30 декабрь куни халқ депутатлари туман Кенгашининг йигирма олтинчи сессияси бўлиб ўтди. Уни туман Кенгашининг раиси Б.Қадилов очди ва олиб борди.

Ўзини ўзи бошқариш органлари, тумандаги корхона ва ташкилотлар, сиёсий партиялар, фермер хўжаликлари раҳбарлари, ОАВ вакиллари қатнашди.

Ўринлари ташкил этиш ва аҳоли бандлигини таъминлаш дастури, Кенгашнинг доимий комиссияларининг 2016 йилдаги фаолиятлари юзасидан ахборотлари эшитилди ҳамда муҳокама этилди. Шундан кейин туман Кенгаши ва доимий комиссияларининг 2017 йилга мўлжалланган иш режалари тасдиқланди.

САВОБ ИШДА ҲИКМАТ КЎП

Аҳоли билан учрашиб маслаҳатлашиш, ёши улуг, катта авлод вакиллари ҳолаҳволдан хабар олиш, жойлардаги мавжуд камчилик ва муаммоларни ўрганиш, ечимини топиш, жисмоний ва юридик шахслар муурожаатини оқилона ҳал этиш маҳалла оқсоқолидан бошлаб ҳоким даражасидаги давлат ва жамоат ташкилотлари раҳбарларининг кундалик фаолиятида муҳим ўрин эгалламоқда.



Ташаббус ҳамда фидойилик билан иш тутишларига боғлиқ, Халқни рози қилиш эса хайрли ва савоб ишлардан бошланади. Янги йил арафасида ана шундай эзгу тadbирларга туман ҳокими Б.Қадилов бош-қош бўлди.

Суратда: туман ҳокими Б.Қадилов Чумчулки маҳалласида яшовчи Ҳожи бобо Жўраев хонадониди. Сурат муаллифи Б.Қадилов

САМАРҚАНД САЙЁҲЛИК САЛОҲИЯТИ ЮКСАЛАДИ

Президентимиз Шавкат Мирзиёевнинг 2016 йил 2 декабрдаги "Ўзбекистон Республикасининг туризм соҳасини жадал ривожлантиришни таъминлаш чора-тадбирлари тўғрисида"ги фармони мамлакатимизда туризмни ривожлантириш ва мавжуд имкониятлардан самарали фойдаланиш ҳамда мазкур тармоқнинг иқтисодийдаги ролини оширишга хизмат қилишни янги босқичга кўтарилади.

Биринчи Президентимиз раҳнамолигида туризмни ривожлантириш борасида изчил ислохотлар амалга оширилди. Ўзбекистон Республикасининг «Туризм тўғрисида»ги қонуни, соҳага оид қатор фармон ва қарорлар, дастурлар қабул қилинди.

Ўзбекистон сайёҳлик кўлами ва тарихий қадамжолари кўпчилиги бўйича дунёдаги етакчи ўн давлат қаторида туради. Аини пайтда юртимизда тўрт мингдан зиёд тарихий, маданий ёдгорликлар мавжуд. Бундай бой маданий мерос, айниқса, Самарқандда жуда кўп.

Вилоятда туризмни ривожлантиришнинг 2016 йилгача бўлган ҳудудий манзилли дастури ишлаб чиқилиб, муваффақиятли амалга оширилди.

вилоятда туристик ресурслардан оқилона фойдаланиш, кўрсатилаётган хизмат турини кўпайтириш ва сифатини замона талабларига мослаштириш борасида тизимли ишлар бажарилди.

Сайёҳликнинг экологик, соғломлаштириш, агро ва фаол турларини ривожлантириш, ички туризмни кўллаб-қувватлаш мақсадида Уругут, Самарқанд, Жомбой, Пахтачи, Нуробод туманларида янги сайёҳлик йўналишлари очилди.

Бугунги кунда Самарқандда юздан ортик меҳмонхона ва 84 сайёҳлик фирмаси фаолият кўрсатмоқда.

ПРЕЗИДЕНТ АРЧАСИ

Янги йил олдида "Тоҳир бобо" базмгоҳида бола-жонлар учун "Президент арчаси" байрам тadbири бўлиб ўтди. Унда туман ҳокими Б.Қадилов иштирок этиб, бола-жонларни янги йил билан қутлади.



Суратларда: тadbирдан кўриниш акс этган.

ИСТАГИМИЗ ИЖОБАТ БЎЛГАЙ

Маҳалла чойхонасига чиқсам одамлар газетадан ниманидир ўқишгаётган экан. -Ҳа, янги латифа чиқибдими? -сўрадим. -Ие, нималар деяпсиз? -деди маҳалла фахрийси, кўп йиллар маҳалла фуқаролар йиғини раиси бўлиб ишлаган Матлуб ота Салоҳидинов. -Ўзбекистон Республикаси Президентининг "Ўзбекистон фахрийлари ижтимоий кўллаб-қувватлаш "Нуроний" жамғармаси фаолиятини янада такомиллаштириш чора-тадбирлари тўғрисида"ги Фармони чиқибди. Уни ўқиб руҳланиб кетдим. Энди истагимиз ижобат бўладиган бўлди.

бошқариш органлари билан биргаликда оилаларда тинчлик ва хотиржамликни таъминлаш, ёлғиз кишилар ва эҳтиёжманд кексаларни ижтимоий ва моддий кўллаб-қувватлаш, шунингдек уларнинг биринчи навбатдаги эҳтиёжлари қондирилишида ҳар томонлама ёрдам бериш, кексалар учун уларнинг ёшлари ҳисобга олган ҳолда ҳар хил ижтимоий-маданий тadbирлар, телемарафонлар, махсус спорт мусобақалари, кекса ёзувчилар, артистлар, хонандалар, расомларни ва ижодий зиёлиларнинг бошқа вакиллари ташкил қилинган ҳолда ижодий кечалар ташкил этилади". - Демак, ҳар бир нуроний эътиборда бўлар экан! Барака топсин, Президентимиз ҳақ гапни ёзибди. Устозига, отасига минг раҳмат. Фармонни барчага ўқиб бериш керак. Ҳамма ундан хабардор бўлса яхши

бўлади. Ҳар бир нуроний мамлакат тараққиётига ўз ҳиссасини қўшиши, ёшларнинг маънан онгли, юртпарвар бўлиб ўсиши учун қимматли маслаҳатлар бериши керак. Беҳуда 2017 йил - Халқ билан мулоқот ва инсон манфаатлари йили деб эътироф этилмади.

Ҳаким АЗИМБАЕВ, кекса курувчи

ХАЛҚ ДЕПУТАТЛАРИ ТУМАН КЕНГАШИНИНГ ҚАРОРИ

2016 йил 30 декабрь № 85/26-К

2017 ЙИЛДА ИШ ЎРИНЛАРИ ТАШКИЛ ЭТИШ ВА АҲОЛИ БАНДЛИГИНИ ТАЪМИНЛАШ ДАСТУРИ ТЎҒРИСИДА

Туман ҳокимлиги томонидан меҳнат бозорининг прогнози ва эҳтиёжларини, шунингдек иқтисодий тармоқлари ва соҳаларини, худудларини ижтимоий-иқтисодий ва индустриал ривожлантириш дастурларини ҳисобга олган ҳолда, 2017 йилда иш ўринлари ташкил этиш ва аҳоли бандлигини таъминлаш дастури (бундан буён матнда Дастур деб юритилади) ишлаб чиқилди.

Дастурни ишлаб чиқишда халқ депутатлари туман Кенгаши депутатлари, барча давлат ва хўжалик бошқаруви органларининг вакиллари, тadbиркорлик субъектлари бевосита иштирок этдилар.

ЎЗБЕКИСТОН РЕСПУБЛИКАСИ БИЛАН ТОЖИКИСТОН РЕСПУБЛИКАСИ ЎРТАСИДА САВДО-ИҚТИСОДИЙ ҲАМКОРЛИК БЎЙИЧА ҲУКУМАТЛАРАРО КОМИССИЯНИНГ ТЎРТИНЧИ МАЖЛИСИ ЯҚУНЛАРИ ТЎҒРИСИДА

2016 йил 27-28 декабрь кунлари Душанбе шаҳрида Ўзбекистон Республикаси билан Тожикистон Республикаси ўртасида савдо-иқтисодий ҳамкорлик бўйича ҳукуматлараро комиссиянинг тўртинчи мажлиси бўлиб ўтди.

Мажлис натижалари томонлар мамлакатимиз ўртасида тенг ҳуқуқли ва ўзаро манфаатли алоқаларни ривожлантиришга катта аҳамият қаратаётганини яққол тасдиқлади.

корликка оид кўплаб долзарб масалалар, жумладан, иқтисодий, савдо, транспорт, sanoat, маданият, таълим, спорт ва соғлиқни сақлаш соҳаларидаги алоқаларнинг асосий параметрлари кўриб чиқилди.

КЎЧМА ҚАБУЛ
Жинойт ишлари бўйича Самарқанд вилоят суди раиси **РУСТАМ УБАЙДУЛЛАЕВИЧ АБДУЛЛАЕВ**
Самарқанд тумани жинойт ишлари бўйича суд идорасида "Халқ билан мулоқот ва инсон манфаатлари йили" давлат дастури доирасида шу йил 6 январь куни соат 9.00-13.00 гача кўчма қабул ўтказилади.
Мурожаат учун телефон: 616-25-47
ЖИНОЯТ ИШЛАРИ БЎЙИЧА ТУМАН СУДИ МАЪМУРИЯТИ